



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCXXI. Der Rath der Stadt Salzwedel bekundet, mit Gobel Voland wegen der Münz - Verwaltung verhandelt zu haben, am 16. Juli 1437.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

vns dar ouer vnothogherdes reches behelpen, sunder wedderprake. Vnde desse breue vnd verdracht scholen vnshedelick wesen den vorgerorden vnser gnedighen heren breuen vnde vnser breuen vnde ghenne dessen vnde vordracht, de wy vns ock suluen vnder eynder gheuen hebben vnde gedan, vnde eyn jewelck schal bliuen by vuller macht ane jennigherlei behelpinghe edder argelift, wo men de benomen mogte. Des tho bekantnisse hebbe wy erbenomeden van Wnstroue vor vns vnde alle vnse eruen vnse Inghelegele benghen heten an dessen breff. Gheuen nah Godes bord verteynhundert jhar dar, nah in dem feuen vnde drüttighesten Jare, des Fridaghes vor Jubilate.

Nach dem Originale des Salz. Archives IV, 5.

CCCXXX. Der Rath zu Salzwehel befundet die vor ihm bewirkte Abfindung eines Sohnes von väterlichem und mütterlichem Erbe, am 27. Mai 1437.

Wy Borgermeistere vnde Radmanne to Soltwedell Bekennen vnde Betogen apenbar vor alifwem, dat vor vns vnde In vnser Jegenwardicheyt vnse liue medeborger Tide dygman de older, In guder wollmacht mid varberaden vnde woll bedachten mode, Synem Sone Tideman Bauen Sodane summe geldis, alle der he de varbenomede tideman varheen, alle wonlyk is, vpp affgelaten heft van vader vnde van moder erue, heft gegeuen vnde wilkored mid Crafft dessis briues vestlich marck penninge Soltwedelscher weringe mid Sodane vndersehide, alle hir nabefcreuen is: Weret sake, dat de varbenomde Tideman von dodes wegen 'ane liues eruen affginge, So schal me alfdane vorgerurde Summe geldis, alle vestlich mark penninge Soltwedelscher weringe, keren in gades Ere vnnnd geuen druttich marek van den vestligen to Sunte katerinen in de kerke vnnnd de anderen twintich in dat gadeshus der hilligen frowen Sunte Elifabeth van des ergedachten tidemans nagelaten gude nach deme wilkore erer twyer, alle des vaders vnde des sones. Des to merer technisse, so hebbe wy Radmanne ergedacht vnse der nigenstad Ingefelgel williken laten hengen an dessen Jegenwardigen Briff, de gegeuen is nach cristi gbord verteynhundert Jar, dar na in deme Souenvnnddrüttigsten Jare, am Mandages vor des hilgen lichnames dage.

Nach dem Originale des Salzweheler Archive XXXII, 16.

CCCXXXI. Der Rath der Stadt Salzwehel befundet, mit Gobel Boland wegen der Münzverwaltung verhandelt zu haben, am 16. Juli 1437.

Wy Radmanne der Stad Soltwedel bekennen openbar vor allen, de dessen brief sehen, horen edder lesen, dat wy myt Mester Alerde auer eyn quemen, vns eynen Mester to

schickende, de vnse Münze mogte vorstan vnd vorhegen. Des vns desülue Meister Alerd schickede Gobel Boland, de myt vns in vnser Stad de Münze to etliker tyd verhandelde. Sulker Verhandlung wy myt eme gutliken gesleten vnd fründliken gescheiden syn, so dat wy von der wegen neene tosprake noch bede gedingent to eme nu fordir mehr en weten noch en hebben. To orkunde verlegelt mit vnser der olden Stat Secret, wiligen ghehangen an dessen brief, de gegeuen is am dinxstage nach Margarethe virginis, nach Christi ghebord veertein hondert jahr dar nach in dem leuen vnd drüttigsten jahre.

Greifen's Dipl. I, 370. 371.

CCCXXXII. Der Rath zu Salzwedel bekundet die Stiftung einer alle Donnerstag in der Marienkirche zu begehenden Trohnleichnamsmesse, am 21. April 1438.

Wy Hinryk Brunow, Hermen langhe, Tyde mechow, Borchert boden, kersten schulde, Arnd kotzebuw, Albrecht wytte, Tyde buck, Dyderk laghendorp, Heyne sander, Arnd kouwlyse, Clawes kolner, Tyde wolter, Mente van gawel, Hoyer chuden, Ermbrecht sehernekow, Heyne prytzer vnde Hans hoghe, Radmanne to Soltwedell, Bekennen openbar tughende vor allefrem, dat vor vns sinth gewesen Hans wydage vnde Jacop apenborch, vorstender vnser leuen vrouwen kerken vnser stad Soltwedell, vnnde hebben vor sik vnnde ere nakomelinghe vorstendere der suluen kerken Na vnnde mit des Erfamen heren, heren Ghuntzels van Bertenseleue, probestes der gnanten kerken, vnnde vnsem Rade, wyllen, wytchop vnde vulborde gewylkoret vnnde wykoren ok, In Crafft desses briues, dat see wyllen herliken holden vnde singhen laten deme werdeghen bilghen lychname to loue vnde to eren Ene erlyke myssen van deme bilghen lychname, To eweghen tyden Also to holdende vnnde to bliuende, welke myssen Eyn prester myt den koerschoelern singhen schal vor deme vromyssen altare Alle donnerstage, wan dat der gnanten kerken wol bequeme is, vnnde so vorder vpp den gnanten donnerstage nen sunderlyk ffeft encome, Edder doch ander merklike faken vor oghen syn, dar van sodann mysse to holdende der kerken vnbequeme were. So schollen doch vnnde wyllen de vorbenomeden vorstendere bestellen, wenn alfulke fake invelt, dat men de vorberorden myssen vppe den donnerdach nicht holden kan, dat men de denne singhe vnnde holde Enen edder twe dage vor edder na dem donnerstage, vppe welchen dach id der kerken bequeme is, So dat sodanne mysse nicht voer blyue, Sunder jo inder weken eyns gehalten werde, vnnde deme prestere, de de myssen also vorgeroret is singhet, Schollen de vorbenomeden vorstendere vnnde ere nakomelinghe vnnde wyllen bestellen vnnde gheuen to ener jewelken myssen veer penninghe vnser stad weringhe, jewelkem koerschoelre, de de helpt singhen, Enen penning, deme kostere, de dat sacrament vp vnnd tho seluth, enen penning derfuluen weringhe, vth vnnde van vnser leuen vrouwen tyntsen vnnd Renthe. Vnde vppe dat desse myssen vorgerorder wyle bestellet, gehalten vnnde gesunghen werde vnnde ewechliken blyuen moge, So hefft levyn vretter, vnse medeborgher, vmme syner zelen salycheyt wyllen, der vorbenomeden vnser leuen vrouwen vorstenderen vp vnser leuen vrouwen behuff tor nughe entrychtet vnnd gheuen Achtentych mark penninge vnser stad weringhe, de see vort in vnser leuen vrouwen nuth